

Na osnovu člana 32. Zakona o javnim nabavkama Bosne i Hercegovine («Službeni glasnik BiH», br. 39/14), a nakon provedenog otvorenog postupka putem obavještenja o nabavci broj 1364-1-1-37-3-28/19 od 05.08.2019. godine i Odluke o izboru najpovoljnijeg ponuđača broj: 01-14-4-4192/19 od 21.10.2019. godine za „Nabavka dijelova za računarsku opremu koja se odnosi na: mrežnu opremu, optičke uređaje, hard diskove, procesor, tastature, adaptere, kablove, kućišta i dr.zaključen je:

## OKVIRNI SPORAZUM

između:

### **INTERCOM d.o.o. ZENICA**

Sjedište ponuđača: Zenica,  
Koga zastupa direktor Safet Škaljić,  
ID broj: 4218087760006  
(u daljnjem tekstu: Prodavac/Ponuđač),

i

### **Ministarstvo unutrašnjih poslova Kantona Sarajevo**

Sjedište: Sarajevo  
koje zastupa ministar Admir Katica  
Identifikacijski broj: 4200220350006  
(u daljnjem tekstu: Kupac / Naručilac)

#### Član 1.

Ovim Okvirnim sporazumom ugovorne strane se sporazumjevaju da će Prodavac tokom ugovornog perioda, po ukazanoj potrebi, a na osnovu zahtjeva Kupca za istog obezbjediti isporuku dijelova za računarsku opremu koja se odnosi na: mrežnu opremu, optičke uređaje, hard diskove, procesor, tastature, adaptere, kablove, kućišta i dr, a prema ponudi Prodavca broj 00377-08/19 od 26.08.2019. godine koja čini sastavni dio ovog Sporazuma.

Ugovorni organ se ne obavezuje na nabavku utvrđenih okvirnih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava, ali ne može prijeći utvrđene okvirne količine ili vrijednost okvirnog sporazuma.

Sastavni dio ovog Okvirnog sporazuma su:

- obrazac za dostavljanje ponude
- obrazac za cijenu ponude

#### Član 2.

Okvirni sporazum zaključuje se za period od četiri (4) godine, odnosno do iskorištenja maksimalne finansijske vrijednosti.

Vrijednost okvirnog sporazuma nakon provedene e-aukcije je: 132.850,00 KM bez PDV-a. Cijene su fiksne i ne mogu se mijenjati za vrijeme važenja ovog Okvirnog sporazuma.

#### Član 3.

Nakon zaključivanja Okvirnog sporazuma, zaključit će se pojedinačni ugovori o javnim nabavkama. Pri zaključivanju pojedinačnog ugovora ne mogu se mijenjati bitni uslovi ovog Okvirnog sporazuma.

Prodavac je dužan ugovorenu robu isporučivati prema uslovima iz tenderske dokumentacije i prihvaćene Ponude u roku od 7 (sedam) dana od dana prijema narudžbenice. Garancija na isporučenu robu iznosi 12 (dvanaest) mjeseci računajući od dana isporuke.

Član 4.

Ugovorni organ će ugovorenu cijenu plaćati u roku od 30 (trideset) dana po dostavljanju fakture.

Član 5.

Na sva ostala prava i obaveze koja nisu regulisana ovim Sporazumom, primjenjivaće se odredbe Zakona o obligacionim odnosima.

Nakon zaključenja Sporazuma, njegove odredbe ne mogu se mijenjati.

Član 6.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koje su se dogodile bez volje i uticaja strana u okvirnom sporazumu i koji nisu mogli biti sprječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Član 7.

Eventualne sporove Ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja, a u slučaju da sporazum ne bude postignut ugovara se nadležnost Općinskog suda u Sarajevu.

Član 8.

Sporazum stupa na snagu sa danom obostranog potpisivanja ovlaštenih predstavnika ugovornih strana.

Član 9.

Sporazum je sačinjen u 4 istovjetna primjerka, od kojih svaka od ugovornih strana zadržava po 2 primjerka.

Prodavac:  
INTERCOM d.o.o. ZENICA

  
direktor, Saša Škaljić

Broj: 373-11/19  
Sarajevo,  
28.11.2019

Kupac:  
MINISTARSTVO UNUTRAŠNJIH POSLOVA  
KANTON SARAJEVO

  
Ministar, Admir Katica

Broj: 01-14-4-4192-4  
Sarajevo, 28.11.2019.